

**"URGANCH SHAROB" акциядорлик жамияти**  
**Кузатув кенгаши мажлисининг**  
**6-сонли БАЁННОМАСИ**

**Урганч шаҳри**

**14.09.2020 йил**

**Мажлис ўтказилган жой:** Хоразм вилояти, Урганч шаҳри  
Саноатчилар кўчаси, 417-А-уй

**Мажлис ўтказилган вақти:** Соат 18:30 да

**Мажлисида иштирок этганлар:**

**Кузатув кенгаши аъзолари:**

Назаров Жаҳонгир Баҳромович  
Туляганов Шавкат Абиджанович  
Қаландаров Улуғбек Аминбаевич  
Бабаджанов Мухаммад Кувондиқович  
Рахимов Шухрат Ражапович

Мажлисида "URGANCH SHAROB" АЖ (кейинги ўринларда - жамият) акциядорларининг 19.07.2019 йилдаги навбатдан ташқари умумий йиғилиши қарори билан сайланган 5 та Кузатув кенгаши аъзоларидан 5 таси қатнашиб, мажлис ўтказиш учун кворум 100 фоизни ташкил этади. Шу сабабли, Кузатув кенгаши кун тартибидаги масалалар юзасидан қарор қабул қилишга ҳақли.

Ўзбекистон Республикаси Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги Қонунининг 78-моддасига асосан Кузатув кенгаши қарори сиртдан овоз бериш йўли билан (сўров йўли билан) қабул қилинди.

**Таклиф этилганлар:**

Жамият бошқарув раиси - Кенжаев Улуғбек Каландарович  
Жамият бош ҳисобчиси - Салаев Хайрулло Жуманазарович

Мажлисида Назаров Жаҳонгир Баҳромович раислик қилиб, мажлисни очик деб эълон қилди ҳамда мажлис кун тартибидаги масалаларнинг муҳокамасига ўтиш таклифини киритди.

Таклиф Кузатув кенгаши аъзолари томонидан бир овоздан маъқулланди.

**К У Н Т А Р Т И Б И :**

1. "Urganch Sharob" АЖнинг молия-хўжалик фаолиятининг 2020 йил 1-ярим йил якуни бўйича ва 3-чоракда амалга ошириладиган вазифалар тўғрисида жамият бошқарув раиси У.Кенжаевнинг ҳисоботи.

2. Жамиятнинг 2020 йил 1-ярим йиллик иш фаолияти бўйича ички аудит ҳисоботини тасдиқлаш.

3. Ўзбекистон Республикаси Вазирлар Маҳкамасининг 2015 йил 28 июлдаги 207-сонли Давлат улуши бўлган акциядорлик жамиятлари ва бошқа

хўжалик юритувчи субъектлар фаолияти самарадорлигини баҳолаш мезонларини жорий этиш тўғрисидаги қарорига асосан жамият фаолиятини самарадорлигини баҳолаш мезонларини кўриб чиқиш.

4. Ўзбекистон Республикаси Давлат активларини бошқариш агентлигининг 2020 йил 2 сентябрдаги 482/08-02-сонли хатини кўриб чиқиш.

---

**Кун тартибдаги биринчи масала** юзасидан мажлис раиси Ж.Назаров жамиятни молия-хўжалик фаолиятининг 2020 йил 1-ярим йил якуни бўйича ва 3 чорақда амалга ошириладиган вазифалар тўрисида ҳисобот бериш учун жамият бошқарув раиси У.Кенжаевни таклиф қилди.

Жамият томонидан 2020 йилнинг 1-ярим йиллигида ароқ маҳсулотлари 50,4 минг дал қуйилиб, режа 42 фоиз, вино маҳсулотлари 35,8 минг дал қуйилиб, режа 59,7 фоиз, коньяк маҳсулотидан 1,98 минг дал қуйилиб, режа кўрсаткичи 70,7 фоизга бажарилган. Ароқ ва вино маҳсулотларини ишлаб чиқариш режаси бажарилмаганлигининг асосий сабаби “Шаробсавдо” корхоналарининг шартномада кўрсатилган миқдорда маҳсулотларни ташиб олмаганлигидир. “Шаробсавдо” базалари билан 1-ярим йиллик ароқ маҳсулотлари 202,96 минг дал сотиб олиш бўйича шартномалар имзоланиб, ҳақиқатда 68 минг дал ароқ (33,5фоиз) сотиб олинган, ҳолос. Жумладан, “Хоразмшаробсавдо” МЧЖ 13,1 фоиз, “Янгибозоршаробсавдо” МЧЖ 29,7 фоиз, “Бухоро сахар шаробсавдо” УК 22,1 фоиз, “Қизилтепа ШСБ” МЧЖ 18,2 фоиз, “Қуйичирчиқ ШСБ” МЧЖ 13,5 фоиз сотиб олган бўлса, “Қумқўрғон ШСБ” МЧЖ, “Яккабоғ Шароб Савдо” МЧЖ, “Шарқ Шароб Савдо” МЧЖ, “Жондор шароб савдо” СБУП, “Қарши шароб савдо” МЧЖ ва “Шампан вино шаробсавдо” МЧЖ лар томонидан умуман маҳсулот сотиб олинмаган.

2020 йилнинг 1 июль ҳолатига жамиятнинг дебитор қарздорликлари жами 5362,6 млн.сўмни ташкил этиб, йил бошига нисбатан 1242,9 млн.сўмга камайган. Шунингдек, ҳисобот даври охирида жами кредитор қарздорлик 4241,1 млн.сўм бўлиб, йил бошига нисбатан 4942,7 млн.сўмга камайган. Муддати ўтган кредитор қарздорлик мавжуд эмас. Муддати ўтган дебиторлик қарздорликлар яъни “Хивашаробсавдо” УК 567,9 млн.сўмлик, “Хатирчишаробсавдо” УКнинг 95,7 млн.сўмлик, “Сиёбшарбсавдо” УКнинг 22,9 млн.сўмлик қарздорликларга нисбатан қонунчиликда белгиланган қоидалар амалга оширилиб, хўжалик судларининг қарори чиқарилган. Иш ҳақидан қарздорлик мавжуд эмас.

2020 йилнинг 1 ярим йиллигида 44,6 млн.сўмлик соф фойда олинди, режа 60,4 фоизга бажарилган. 2020 йилнинг 3 чорагида 110 минг дал ароқ, 30 минг дал вино, 2,2 минг дал коньяк маҳсулотлари қуйиш ҳамда 117,3 млн.сўм соф фойда олиш режалаштирилган.

**Кун тартибидаги биринчи масала юзасидан Кузатов кенгаши  
қарор қилди:**

1. “Urganch Sharob” АЖ бошқарув раиси У.Кенжаевнинг 2020 йил 1-ярим йил якуни ва 3-чорада амалга ошириладиган чора-тадбирлар тўғрисидаги ҳисоботи 3-чорақ якунлари билан бизнес режа кўрсаткичлари тўлиқ бажарилиши, дебитор ва кредитор қарздорликларни кескин қисқартириш шarti билан тасдиқлансин.

**Кун тартибидаги иккинчи масала** бўйича жамият ички аудит хизмати аудитори 2020 йил 1 январдан 1 июлигача бўлган давр учун молиявий хўжалик фаолияти аудиторлик текширувини ўтказган. Ўтказилган аудит текшируви бўйича ҳисоботида жамият фаолияти қониқарли баҳоланиб, амалга оширилган ишлар қонун доирасида эканлигини айтиб ўтилган.

Ўтказилган ички аудит ҳисоботи бўйича Ўзбекистон Республикасида амалда бўлган “Бухгалтерия ҳисобининг 21-сонли миллий стандарти” талаблари асосида ҳисобварақ (смет)лар режасини ташкил этиш ҳамда унга тўлиқ амал қилиш, ҳисоб ходимлари ўртасида лавозим вазифаларини қайта тақсимлаш, синтетик ҳисоб варақларида хўжалик операцияларини тўлиқ акс эттирилиши, бухгалтерия ҳисобини юритишда Вазирлар Маҳкамасининг 1999 йил 5 февралдаги “Махсулот (товар, хизмат)ларни ишлаб чиқариш, сотиш жараёнида харажатлар таркиби ва молиявий натижаларни шакллантириш тўғрисида”ги 54-сонли низом талаблари тулиқ риоя этиш, ички назорат системасини кучайтириш, жамият молиявий ҳисоботларини ҳалқаро стандартлар талаблари асосида тайёрлаш ҳамда активлар бутлигини таъминлаш мақсадида ишчи гуруҳлар ташкил этган ҳолда санок(инвентаризация)ларни ҳаққоний ўтказилишига эришиш, мутахассисларнинг билим даражасини ошириш, қонунчиликка киритилаётган ўзгаришларни ўз вақтида бухгалтерия ҳисобида акс эттиришни таъминлаш мақсадида “НОРМА” электрон тармоғига уланиш тавсия этилган.

**Кун тартибидаги иккинчи масала юзасидан Кузатов кенгаши  
қарор қилди:**

1. “Urganch Sharob” АЖнинг ички аудит Х.Бозоровнинг 2020 йилнинг 1-ярим йиллиги бўйича ҳисоботи тасдиқлансин. Жамият бошқарув раиси У.Кенжаевга ҳисоботда кўрсатилган камчиликларни бартараф этиш топширилсин.

**Кун тартибидаги учинчи** Ўзбекистон Республикаси Вазирлар Маҳкамасининг 2015 йил 28 июлдаги 207-сонли Давлат улуши бўлган

акциядорлик жамиятлари ва бошқа хўжалик юритувчи субъектлар фаолияти самарадорлигини баҳолаш мезонларини жорий этиш тўғрисидаги қарорига асосан жамият фаолиятини самарадорлигини баҳолаш учун "Allianz consult" МЧЖ билан шартнома тузилиб, ижро органи фаолияти баҳоланган.

Ўзбекистон Республикаси Вазирлар Маҳкамасининг 2015 йил 28 июлдаги 207-сонли қарорида ижро этувчи орган фаолияти самарадорлиги куйидагича эътироф этилади:

СЙК (самарадорлик йиғинди кўрсаткичи) миқдори 40 фоиздан кам бўлса – қониқарсиз, 40 фоиздан 60 (ушбу даража ҳам киради) фоизгача бўлса - паст даражада, 60 фоиздан 80 (ушбу даража ҳам киради) фоизгача бўлса - етарли даражада эмас, 80 фоиздан 90 (ушбу даража ҳам киради) фоизгача бўлса - ўртача даражада, 90 фоиздан 100 (ушбу даража ҳам киради) фоизгача бўлса - етарли даражада ва 100 фоиздан ошса - юқори даражада.

"Allianz consult" МЧЖнинг 2019 йилнинг 1-ярим йиллигида жамият ижро этувчи орган фаолияти самарадорлиги 80,32 фоиз деб баҳоланган. Қарор бўйича бу кўрсаткич ўртача даражада деб эътироф этилган.

**Кун тартибидаги учинчи масала юзасидан Кузатув кенгаши  
қарор қилди:**

1. "Allianz consult" МЧЖнинг 2018 йилнинг 1-ярим йиллигида жамият ижро этувчи орган фаолияти самарадорлиги 80,32 фоиз ўртача даражада деб баҳолансин. Жамиятни ижроия органи томонидан йил якунига қадар кўрсаткични юқори даражага етказиш чоралари кўрилсин.

**Кун тартибидаги тўртинчи масала бўйича** Ўзбекистон Республикаси Давлат активларини бошқариш агентлигининг 2020 йил 2 сентябрдаги 482/08-02-сонли хатида “Urganch Sharob” АЖ бошқарув раиси У.Кенжаев эгаллаб турган лавозимидан озод қилиш юзасидан ариза билан мурожат қилганлиги билдирилган. Ушбу юзасидан жамият Кузатув кенгаши томонидан openinfo.uz корпоратив портали орқали жамият бошқарув раиси номзодлигига танлов эълон қилинган. Эълон қилинган танлов бўйича Юлдашев Икром Ялгашевич номзоди тақдим қилинган. И.Юлдашев 1964 йил 10 августда Қорақолпоғистон Республикаси Амударё туманида туғилган. Оилалик, 2 нафар фарзанди бор. Ўзбекистон Республикаси Вазирлар Маҳкамасининг 26.04.2019 йилдаги “Давлат активларини бошқариш тизимини янада такомиллаштириш чоратадбирлари тўғрисида”ги 356– сонли қарори талаблари ҳамда жамият бошқарув органи тўғрисидаги низом талабларидан келиб чиқиб, И.Юлдашев номзоди тасдиқланган раҳбарлик тамоиллари асосида баҳоланганда 46 балл тўплаган.

**Кун тартибидаги тўртинчи масала юзасидан Кузатув кенгаши  
қарор қилди:**

1. “Urganch Sharob” АЖ бошқарув раиси лавозимига тақдим қилнган Юлдашев Икром Илгашевич номзоди маълумот учун қабул қилинсин.

2. “Urganch Sharob” АЖ бошқарув раиси лавозимига тақдим қилнган Юлдашев Икром Илгашевич номзоди Ўзбекистон Республикаси Давлат активларини бошқариш агентлигига кўрсатма олиш учун тақдим қилинсин.

Кун тартибидаги барча масалалар юзасидан тегишли қарорлар қабул қилинганлигини инобатга олиб, Кузатув кенгаши раиси мажлис қатнашчиларига фаол иштироки учун миннатдорчилик билдириб, мажлисни ёпиқ деб эълон қилди.